



Халқ сўзи

Ўзбекистон —
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 23 март, № 59 (8954)

Якшанба

Сайтимизга ўтиш учун QR-коднинг телефонингиз орқали сканер қилинг.



САМАРҚАНДНИНГ ХАЛҚАРО МАРКАЗ СИФАТИДАГИ САЛОҲИЯТИ ТОБОРА ЮКСАЛМОҚДА

Президент Шавкат Мирзиёев 22 март куни Самарқандга ташриф буюриб, ҳудудда амалга оширилаётган бунёдкорлик ишлари ва келгусидаги режалар билан танишди.

Давлатимиз раҳбари дастлаб Имом Бухорий мажмуасини зиёрат қилди. Қуръон тиловат этилиб, дуо ўқилди.

— Куни кеча халқимиз билан Наврўз айёмини кутиб олдик. Бугун, муқаддас Рамазон ойида мана шу табарруқ жойга келиб турибмиз. Бу улуг кунларга тинчлик-хотиржамликда етказгани учун Яратганга шуқроналар айтамыз. Илоҳим, ҳамиша юртимиз тинч, элимиз фаровон бўлсин, ҳамма хайрли ниятларимиз амалга ошсин. Бу мажмуани Имом Бухорий бобомизга муносиб тарзда қураёلمиз. У зиёрат билан бирга маърифат, тарбия, ибрат ўчоги бўлсин, — деди Шавкат Мирзиёев.

Имом Бухорий мақбараси — бутун ислом оламида эъзозли маскан. Кўп минг сонли зиёратчиларга шароитларни кенгайтириш мақсадида Президентимиз ташаббуси билан бу ерда янги мажмуа барпо этилмоқда.

Мажмуанинг умумий майдони 44 гектар. Бугунги кунда маҳобатли мақбара, 10 минг кишига мўлжалланган масжид қуриб битказилган. Ба-ландлиги 75 метрлик 4 та минора мажмуага улугворлик бағишлаган.

Шунингдек, музей, айвонлар, маъмурият ва хизмат кўрсатиш бинолари барпо этилган.

Айни пайтда пардозлаш ишлари олиб борилмоқда. Бунда миллий анъаналар ва “иссиқ” ранглардан фойдаланилмоқда. Пештоқлар ва айвон деворларига “Саҳиҳи Бухорий”дан ҳадислар битилади.

Бундан ташқари, ҳудудда икки минг ўринли йигирмадан ортиқ меҳмонхона, хиёбонлар, хизмат кўрсатиш шохобчалари барпо этилади.

Бу йил юртимизда Имом Мотуридий таваллудининг 1155 йиллиги кенг нишонланади. Шу ҳақдаги Президент қарорида калом илми султонининг Самарқанд шаҳридаги мажмуасини қайта таъмирлаш ва ободонлаштириш белгиланган.

Ташриф чоғида Президентимизга ушбу лойиҳа тақдимот қилинди.

Қайд этилганидек, Мотуридий мажмуасида 1 минг 500 кишига мўлжалланган жоме масжид, маъмурий бино қурилиши кўзда тутилган. У ерда кутубхона, мажлислар зали, инновацион музей ҳамда мутахассис-

лар учун хоналар бўлади. Мажмуа яқинида автотураргоҳ ташкил этилади, зиёратчилар учун қўшимча қулайликлар яратилади.

Имом Абу Мансур Мотуридий ислом оламида ихтилофлар авж олиб, ҳар хил фирқалар кўпайган пайтда яшаган, бутун ҳаётини исломий ақидани ҳимоя қилиш ва маърифатини ёйишга бағишлаган. У зотининг мотуридийлик таълимоти, “Таъвилот ал-Қуръон”, “Китоб ат-Тавҳид” каби асарлари бағрикенглик ва мўътадиллик тамойиллари билан аҳли сунна вал-жамоанинг маънавий асосларига айланган.

Давлатимиз раҳбари бу тамойиллар бугунги кунда ҳам долзарб бўлиб бораётганини таъкидлаб, аллома бобоимизнинг меросини янада кенг ўрганиш ва жаҳонга тарғиб этиш, мажмуага келувчиларга шароитларни кенгайтириш бўйича кўрсатмалар берди.

Яна бир хайрли лойиҳа — Оқдарё туманидаги Маҳдуми Аъзам қадим-жосини обод қилишга қаратилган. Асли ҳозирги Косонсой туманида тутилган сўфий олим нақшбандия таъ-

лимотининг раҳнаомаларидан бири бўлган. Илм ва дин йўлидаги узоқ сафардан сўнг Самарқандда абадий кўним топган.

Бу масканга келувчи зиёратчилар ҳам кўп. Уларга шароитларни яхшилаш мақсадида мажмуа ҳудудида қурилиш-ободонлаштириш ишлари амалга оширилади, бугунги кун талабларига мос қўшимча қулайликлар яратилади.

Тақдирот чоғида Самарқанд заминдан етишиб чиққан бошқа олим ва мутафаккирлар, азиз авлиёларнинг қадамжолари ҳам босқичма-босқич таъмирланиб, обод қилиниши айтилди.

Сўнгги йилларда энг замонавий стандартларга мос инфратузилма яратилгани туфайли Самарқанд шаҳри халқаро миқёсдаги йирик тадбирлар — олий ва юқори даражадаги саммитлар, конференция ва конгрессларнинг аънавий мезбонига айланди.

2022 йилда давлатимиз раҳбари ташаббуси билан “Буюк Ипак йўли” мажмуаси бунёд этилгани бу борадаги ишларни янги босқичга олиб

чиқиб, Самарқанднинг халқаро марказ сифатидаги салоҳиятини янада оширди.

Шавкат Мирзиёев ушбу Халқаро туризм марказига ташриф буюриб, олиб борилаётган бунёдкорлик ишлари, яратилаётган шароитлар билан танишди. Мажмуада хорижий делегациялар ва сайёҳларга хизмат кўрсатиш сифатини ошириш, қулайликларни кенгайтиришга қаратилган муайян ишлар олиб борилмоқда, қатор янги объектлар қурилмоқда.

Жумладан, марказ ҳудудида умумий майдони 1150 квадрат метр бўлган йирик концерт зали барпо этилмоқда. 100 кишини қабул қила оладиган маданият маскани замонавий акустика ускуналари билан жиҳозланмоқда.

Президентимиз хорижий делегациялар, икки томонлама учрашувлар учун қулайликларни ошириш бўйича тавсиялар берди.

Шу ернинг ўзида Самарқанд вилояти ҳокими ҳудуднинг ижтимоий-иқтисодий ривожланиши юзасидан давлатимиз раҳбарига ҳисобот берди.

Таъкидлаш жоиз, жорий йилда Самарқандда йирик халқаро анжуманлар бўлиб ўтади. Бугунги кунда “Марказий Осиё — Европа Иттифоқи” биринчи саммити ва Иқлим форуми, “Марказий Осиё — Кўрфаз араб давлатлари” саммити, ЮНЕСКО Бош конференциясининг 43-сессиясини ўтказишга қизгин тайёргарлик қурилмоқда.

Давлатимиз раҳбари Шавкат Мирзиёев Самарқанд шаҳрига ташрифи якунида Ҳазрати Ҳизр мажмуасида бўлиб, Биринчи Президентимиз Ислам Каримов мақбарасини зиёрат қилди.

Қуръон оятлари тиловат этилиб, дуо ўқилди.

Марҳумларнинг яхшиликларини эслаш, қабристонларни ободонлаштириш халқимизнинг эзгу қадриятларидан. Ушбу мақбара ҳам Президентимиз бошчилигида қурдирилган, азиз зиёратгоҳга айлантирилган. Муборак Рамазон ойида бундай эзгу амаллар барча жойларда ёрқин намоён бўлмоқда.

Зиёдулла ЖОНИБЕКОВ,
Ғолиб ҲАСАНОВ,
Ўза мухбирлари.

ЭЛЛАРНИ БИРЛАШТИРГАН БАҲОР АЙЁМИ

Инсонийлик, меҳр-оқибат, мурувват, меҳнатсеварлик каби қадриятларни ўзида ифода этадиган Наврўз энг қадимий байрамлардан бири ҳисобланади. Абу Райхон Берунийнинг “Қадимги халқлардан қолган ёдгорликлар”, Маҳмуд Кошғарийнинг “Девоу луготит-турк”, Фирдавсийнинг “Шоҳнома”, Умар Хайёмнинг “Наврўзнама”, Абу Бакр Наршахийнинг “Бухоро тарихи” асарларида келтирилган тарихий маълумотларга кўра, Наврўз 3 минг йилдан ошқ тарихга эга.

Биз ва жаҳон

Жумладан, Наврўз 2009 йил 30 сентябрда ЮНЕСКО томонидан Инсониятнинг умумжаҳон номоддий маданий мерослар рўйхатига киритилди. 2010 йилнинг 19 февраль куни БМТ Бош Ассамблеясининг 64-сессиясида эса 21 март — Халқаро Наврўз куни, деб эълон қилинди. Резолюцияда Наврўз байрами турли халқлар ўртасидаги маданий алоқалар ва ўзаро ҳамжиҳатлиқни рағбатлантириш, ўзаро бирдамлик, қўни-қўшничилик муносабатлари, халқлар ўртасидаги дўстликни мустаҳкамлашда муҳим аҳамиятга эга эканлиги таъкидлаб ўтилган.

Шу кунларда Наврўз байрами нафақат юртимизда, балки хорижий давлатларда ҳам кенг тантана қилинаётир.

Хусусан, Ўзбекистоннинг ЮНЕСКО ҳузуридаги доимий ваколатхонаси бошқа давлатлар билан биргаликда ташкилотнинг Париждаги бош қароргоҳида Наврўзи олам муносабати билан байрам тадбирини ташкил қилди.

Унда ЮНЕСКО бош директори Одри Азуле, бош директор ўринбосари Син Цюй, шунингдек, мазкур тузилмадаги доимий ваколатхоналар раҳбарлари ва вакиллари ҳамда ташкилот котибияти ходимлари қатнашди.

Тадбирда мамлакатимизнинг бой моддий ва номоддий маданий мероси, шунингдек, гастрономик салоҳияти намойиш этилди.

Меҳмонлар учун палов ва бошқа ўзбек таомларидан иборат пазандалик фестивали ташкил этилди. Ўзбекистонда Наврўз байрамини нишонлашга доир видеоорликлар намойиш қилинди.

Ўзбекистоннинг БМТдаги доимий ваколатхонаси Афғонистон, Озарбайжон, Ҳиндистон, Эрон, Ироқ, Қозғистон, Қирғизистон, Покистон, Тожикистон, Туркманистон ва Туркия элчихоналари билан биргаликда БМТнинг Нью-Йоркдаги бош қароргоҳида Наврўз байрамини ўтказди.

Байрам тантаналарида БМТ ва Бош Ассамблея котибияти раҳбарлари, Нью-Йоркдаги дипломатик корпус раҳбарлари ва вакиллари, академик доиралар ҳамда АҚШ жамоатчилиги иштирок этди.

БМТ Бош котиби Антониу Гутерришнинг гўзаллик ва уйғониш айёмини нишонлаётган мамлакатларга йўллаган табриги ўқиб эшиттирилди. Табрикда жаҳонда кузатилаётган қарама-қаршилик ва келишмовчиликлар шароитида, мулоқотга ва сайёрамизни ҳимоя қилишга жуда муҳтож бўлган замонавий дунёда тинч-тотув яшашни, табиат билан ҳамжиҳатлиқни тарғиб этувчи Наврўз руҳи ҳар қачонгидан ҳам муҳимроқ экани алоҳида урғуланди.



Парламент палаталари ҳамкорлиги

КОРРУПЦИЯГА МУРОСАСИЗЛИК МУҲИТИ ЗАРУР

Олий Мажлис Сенатининг Ёшлар, хотин-қизлар, маданият ва спорт масалалари қўмитаси ҳамда Қонунчилик палатасининг Инновацион ривожланиш ва ахборот технологиялари масалалари қўмитаси ҳамкорлигида ишчи гуруҳ йиғилиши бўлиб ўтди.



Унда киберкоррупцияга қарши самарали курашиш йўналишида мустаҳкам ҳуқуқий база яратиш масаласи муҳокама этилди.

Сенаторлар, депутатлар, вазирлик ва идоралар мутасаддилари, олимлар, экспертлар ҳамда Ёшлар парламенти аъзолари иштирок этган йиғилишда шу йил 5 март куни Президент Шавкат Мирзиёев раислигида ўтказилган Коррупцияга қарши курашиш бўйича миллий кенгашнинг кенгайтирилган йиғилишида белгиланган устувор вазифалар таҳлил қилинди.

Йиғилиш иштирокчилари қайд этганидек, давлатимиз раҳбари ёшлар орасида коррупцияга мурасасизлик муҳитини шакллантириш ва киберкоррупцияга қарши курашиш бўйича аниқ чоралар кўриш зарурлигини таъкидлаган эди. Шундан келиб чиқиб, “коррупциянинг рақамли кўриниши” тушунчасини ҳуқуқий тартибга солиш, бу йўналишда миллий қонунчиликни халқаро стандартларга мослаштириш масалаларига эътибор қаратилди.

Бундан ташқари, соҳадаги илмий тадқиқотларни умумлаштириш, халқаро ҳужжатларга Ўзбекистон Республикасининг қўшилиши масаласини ўрганиш, киберкоррупцияга қарши курашиш ва унинг олдини олишга қаратилган қонун лойиҳасини ишлаб чиқиш муҳимлиги таъкидланди.

Йиғилиш якунида муҳокама қилинган масалалар асосида Сенат ва Қонунчилик палатасининг “Йўл харитаси”да тегишли чора-тадбирларни назарда тутиш белгилаб олинди.

«Халқ сўзи».

Қўмиталар ҳафта ичида

СУВ РЕСУРСЛАРИНИ ТЕЖАШДА МАСЪУЛЛИК КЕРАК

Олий Мажлис Қонунчилик палатасидаги Ўзбекистон Экологик партияси фракцияси, Экология ва атроф-муҳитни муҳофаза қилиш масалалари қўмитаси ҳамда Сув ҳўжалиги вазирлиги ҳамкорлигида 22 март — Бутунжаҳон сув ресурслари кунига бағишланган давра суҳбати ўтказилди.



Мамлакатимизда сув ресурсларидан оқилана фойдаланиш, соҳани бошқариш тизимини янада такомиллаштириш, сув ҳўжалиги объектларини модернизация қилиш ва ривожлантиришга алоҳида эътибор қаратилмоқда. Давлатимиз раҳбарининг қатор Фармон ва қарорлари соҳани тараққий эттиришда муҳим асос бўлаётир.

Давра суҳбатида 2024 йилда беш йил муддатда икки йил имтиёзли давр билан 14 фоизли кредит маблағлари ажратили-

ши натижасида 83 минг гектарда томчи-латиб, 38 минг гектарда ёмғирлатиб, 31 минг гектар майдонда дискрет суғориш, 174 минг гектарда эгилувчан қувур ва эгатга плёнка тўшаб суғориш технологиялари жорий қилингани қайд этилди.

Шунингдек, 522,8 минг гектар экин майдонлари лазер ускунаси ёрдамида текисланиши ҳисобига мавсум давомида 2,5 миллиард куб метр сув иқтисод қилинишига эришилган.

Иштирокчилар таъкидлаганидек, республика ҳудудида шаклландиган сув ресурслари трансчегаравий дарёларга боғлиқлиги, иқлим ўзгариши, сувга бўлган эҳтиёжнинг ортиши ушбу неъмат танқислиги келиб чиқишининг олдини олиш борасида кечиктириб бўлмайдиган чоралар кўришни тақозо этапти.



УЛУГВОР ҚАДРИЯТЛАРНИНГ ХАЛҚОНА ТАНТАНАСИ

Жонажон диёримизга дилбар фаслнинг сулув келинчаги мисоли ял-ял товланиб Наврўзи олам кириб келди. Унинг қутлуг қадами жумлаи жаҳонни яшнатиб юборди.

Шукух



Дов-дарахтлар, далаю қир, умуман, табиатдаги ажиб ўзгаришлар одамлар қалбига, шуурига кўнди. Юртдаги янгиланиш ва ҳаётбахш ўзгаришларга ҳамоҳанг тарзда нишонланаётган Наврўз байрами кексаю ёш қалбини шуқроналик ҳис-туйғулари билан тўлдириб юборди.

Мамлакатимизда байрам бу йил “Қадриятларинг боқий бўлсин, Наврўз” бош ғояси асосида халқ сайиллари шаклида тантана қилинапти. Бинобарин, куни кеча юртимиз бўйлаб боғу хиёбонларда, маҳалларда турли удум ва азалий анъаналар, халқ ўйинлари, кўкламнинг тансиқ таомлари — кўксомса, ёрма, ҳалим ва бошқа миллий таомлар тайёрланиб, байрам кўтаринки руҳда кутиб олинди.

Нукус шаҳрини кесиб ўтувчи “Дўстлик” канали бўйида театрлаштирилган ва адабий мусиқали хореографик байрам томошалари ҳам шундай кўта-



ринки руҳда ўтди. Шодиёналарга республиканинг барча туманидан нуронийлар таклиф этилди. Айтиш жоизки, қутлуг айём ўтказилаётган майдонда бахши-жировлар, созанда ва санъаткорлар ўз ижод намуналари билан халқимизга байрам кайфиятини улашишди.



Францияга ташриф: ЭЪТИРОФ, ИШОНЧ ВА ЭЪТИБОР ИФОДАСИ

Президентимизнинг 11 — 13 март кунлари Францияга ташрифи мамлакатимиз ташқи сиёсатини янада ривожлантириш ва стратегик шериклиكنи мустаҳкамлаш йўлида муҳим қадам бўлди. Бу тарихий воқеа Ўзбекистоннинг жаҳон сахнасидаги мавқеини янги босқичга олиб чиқишга хизмат қилади.

Муносабат

Ишончли сиёсий мулоқот

Ташрифнинг натижалари фақат икки мамлакат учун эмас, балки бутун Марказий Осиё ва Европа минтақалари учун ҳам аҳамиятли бўлди. Негаки, ҳар икки мамлакат ўз минтақаларининг етакчи давлатлари саналади. Франция Ўзбекистоннинг ҳам ташқи сиёсат, ҳам иқтисодий ҳамкорлик соҳасида Европадаги муҳим шерикларидан бири. Расмий Париж Европа интеграциясининг локомотивларидан бири сифатида Ўзбекистоннинг Европа Иттифоқи билан муносабатларини ҳам сифат жиҳатдан янги даражага кўтаришда етакчилигини намойиш этяпти. Франция раҳбарияти янги Ўзбекистонда амалга оширилаётган ортага қайтмас ислохотлар дастурини тўлиқ қўллаб-қувватлаб, Президент Шавкат Мирзиёевнинг очиклик ва прагматизмга асосланган сиёсатига доим юксак баҳо бериб келган.

Кейинги йилларда кўп қиррали Ўзбекистон — Франция муносабатлари барча йўналишда жадал ривожланиб бораётир. Товар айирбошлаш ва қўшма корхоналар сони каррасига кўпайган. Жорий ва истикболли лойиҳалар портфели 10 млрд. евродан ошди. Франция тараққиёт агентлиги билан 1 млрд. евролик Стратегик ҳамкорлик дастури амалга оширилмоқда. “Яшил” энергетика, хомашё ресурсларини қазиб олиш ва қайта ишлаш, инновацион қишлоқ ҳўжалиги, сув таъминоти, логистика, инфратузилмани ривожлантириш, туризм ва бошқа соҳаларда янги йирик лойиҳаларни рўёбга чиқариш чора-тадбирлари қўрилмоқда.

Франция Ўзбекистоннинг Марказий Осиёда ишончни мустаҳкамлаш борасидаги саъй-ҳаракатларини, шунингдек, мамлакатимизнинг ЖСТга аъзо бўлишини ҳамда Евроиттифоқ билан Кенгайтирилган шериклик ва ҳамкорлик тўғрисидаги битим тез фурсатда имзоланишини бундан буюн ҳам қўллаб-қувватлашга тайёр. Сиёсий мулоқотни давом эттириш, хавфсизлик, юзага келаётган таҳдид ва хатарларга самарали қарши курашиш соҳасидаги ҳамкорлиكنи мустаҳкамлаш ҳар икки мамлакат манфаатларига жавоб беради.

Расмий Париж барқарор, динамик тарзда ривожланиб бораётган Ўзбекистон нафақат Франция ёки ЕИИнинг, балки бутун халқаро ҳамжамиятнинг

фратузилмаси, соғлиқни сақлаш, қишлоқ ҳўжалиги, озиқ-овқат мустақиллиги ва ҳатто мудофаа соҳасида олиб борилмоқда.

Икки мамлакатнинг аксарият халқаро глобал муаммоларни ҳал қилиш борасидаги позициялари бир-бирига анча монанд. Бунинг тасдиғи сифатида икки давлатнинг халқаро сиёсий майдонда содир бўлаётган воқеа-ҳодисаларга нисбатан билдираётган муносабати, можароларни тинч йўл билан ҳал этишга интилиши, мустақил ташқи сиёсат юритишини қайд этиш мумкин. Бу эса Ўзбекистон — Франция муносабатларида ўзаро муштараклик мавжудлиғи ҳамда икки давлат ўртасидаги ўзаро ҳурмат ва ишончнинг тобора ортиб бораётганидан далолат беради.

Бугунги кунда икки мамлакат ўртасида кўплаб соҳаларда самарали ҳамкорлик йўлга қўйилган бўлиб, ушбу алоқалар тенг шериклик тамойилига асосланган. Ўзбекистон ва Франция ўртасидаги товар айирбошлаш ҳамжи бунги йилларда бирмунча ошди. Сўнги “Orano”, “Total Eren”, “Suez”, “Veolia”, “Renault”, “EDF” каби француз компанияларининг юртимиз бозорига муваффақиятли тажрибаси ҳам сабаб бўлди.

Икки томонлама муносабатлар нафақат савдо-иқтисодий, балки

“*Кейинги йилларда кўп қиррали Ўзбекистон — Франция муносабатлари барча йўналишда жадал ривожланиб бораётир. Товар айирбошлаш ва қўшма корхоналар сони каррасига кўпайган. Жорий ва истикболли лойиҳалар портфели 10 млрд. евродан ошди. Франция тараққиёт агентлиги билан 1 млрд. евролик Стратегик ҳамкорлик дастури амалга оширилмоқда. “Яшил” энергетика, хомашё ресурсларини қазиб олиш ва қайта ишлаш, инновацион қишлоқ ҳўжалиги, сув таъминоти, логистика, инфратузилмани ривожлантириш, туризм ва бошқа соҳаларда янги йирик лойиҳаларни рўёбга чиқариш чора-тадбирлари қўрилмоқда.*”

сиёсий, маданий, илмий-маърифий ва бошқа кўплаб соҳаларда динамик равишда ривожланиб бормоқда. Биринча туризм соҳасини олайлик: французлар дунёда энг кўп саёҳат қиладиган миллат бўлиб, Ўзбекистонга ҳам кўп турист айнан шу мамлакатдан ташриф буюрмоқда.

Ўзбекистонда сўнги йилларда Франция компаниялари иштирокидаги қўшма корхоналар ва лойиҳалар сони уч баробар ошди. Биринча “Total Eren” компанияси билан биргаликда Самарқанд вилоятида минтақадаги энг йирик қуввати 100 МВт бўлган қуёш фотоэлектр станцияси ишга туширилди. Энергетика соҳасида бошқа истикболли лойиҳалар ҳам амалга оширилаётгани эътиборга молик.

Ўзбекистон ва Европа Иттифоқи ўртасида имзоланган Шериклик ва

ти. Ушбу кўрсаткичларни бир неча баравар кўпайтириш имкониятлари мавжуд. Шу сабаб Франция ва Ўзбекистон ишбилармон доираларининг ҳар икки мамлакатнинг иқтисодий имкониятлари, қўшма лойиҳаларни ривожлантириш истикболлари ҳақида ҳабардорлигини ошириш муҳим аҳамият касб этади. Парижда ўтган икки мамлакат ишбилармонларининг бизнес форумида 6,5 млрд. евролик битимлар ҳам шу мақсадларга хизмат қилади.

Таълим соҳасидаги ҳамкорлик

Кези келганда, Ўзбекистон ва Франциянинг таълим соҳасидаги алоқалари ибратли бўлиб бораётганини таъкидлаш жоиз. Бугунги кунда

Ўзбекистонда 700 дан ортиқ мактаб, коллеж ва лицейлар, шунингдек, 12 та олий таълим муассасасида 200 мингдан ортиқ ўқувчи ва талабалар француз тилини катта қизиқиш билан ўрганмоқда. Икки мамлакатнинг 40 дан ортиқ олийгоҳлари ўртасида самарали ҳамкорлик йўлга қўйилган.

2018 — 2024 йилларда туризм, археология, дизайн ва мода, француз филологияси, инклюзив таълим, бизнес-менежмент, энергетика, сиёсатшunosлик, авиация каби таълим йўналишларида ўнлаб ҳўжжатлар имзоланди. Амалий лойиҳалар рўёбга чиқарилди. Тошкент тўқимачилик ва енгил саноат институтида Париж халқаро мода академиясининг қўшма факультети, Бухоро давлат университети қошида “Vatel” туризм ва меҳмонхона бизнеси менежменти бизнес мактаби филиали, Тошкент давлат транспорт университетида Франция фуқаро авиацияси миллий мактаби билан биргаликда Фуқаро авиацияси учувчиларини тайёрлаш мактаби очилди. Ўзбекистон Президенти ҳузуридаги Давлат бошқаруви академияси ва Франция Миллий бошқарув мактаби ўртасида самарали алоқалар йўлга қўйилди. Франция таълим ва тадқиқот олий институти юртимизда инклюзив таълимни ривожлантиришга кўмаклашмоқда. Тошкент ва Самарқандда “Француз альянси” ўз фаолиятини олиб боради.

Президент Шавкат Мирзиёевнинг Францияга давлат ташрифи чоғида Самарқанд халқаро технология университети ва Франциянинг етакчи муҳандислик университетлари билан ҳамкорликда Француз олий муҳандислик мактабини ташкил этиш бўйича келишувга эришилди. Бу мактаб Ўзбекистонда юқори сифатли технология таълим тизимини ривожлантириш ҳамда саноат эҳтиёжларига мос келадиган малакали муҳандисларни тайёрлашга хизмат қилади. Институт макромидаги ушбу олий мактаб шу йилнинг сентябрь ойида ўз фаолиятини бошлаши режалаштирилган бўлиб, кончилик, геология, нефть ва газ, кимё муҳандислиги каби муҳим таълим йўналишларини қамраб олади.

Бу галги давлат ташрифи яқин ва узоқ истиқболда мамлакатлар ўртасидаги сиёсий, савдо-иқтисодий, маданий ва илмий соҳадаги алоқаларни янада ривожлантиришга хизмат қилади. Асосийси, Президентимиз ташрифи икки томонлама муносабатларни ривожлантириш учун мустақкам замин яратди. Алоқаларимиз барча соҳада мисли қўрилмаган даражада жадал туз олди.

Бахтиёр МАЊҚАМОВ,
Тошкент ахборот технологиялари университети ректори, профессор.

ЭЛАРНИ БИРЛАШТИРГАН БАҲОР АЙЁМИ

◀1 Берлин шаҳрида “Ҳар кунинг ўлсун, Наврўз” шиори остида байрам сайиллари бўлиб ўтди. У Ўзбекистон элчихонаси томонидан Афғонистон, Ироқ, Эрон ва Марказий Осиё давлатларининг Германиядаги дипломатик ваколатхоналари билан биргаликда ҳамда “Cultur-Cooperation e.V.” маданий ҳамкорлик ташкилоти кўмағида уюштирилди.

Дипломатик ваколатхона ҳодимлари Наврўз байрами миллий қадрият сифатида мамлакатимизда кенг нишонланиши, уни асраб-авайлаш ва келажак авлодга етказишга катта эътибор қаратилаётгани, ҳар йили ушбу байрам арафасида бунёдкорлик ишлари, хайрия тadbирлари ўтказилишини таъкидлади.

Байрам тadbири доирасида иштирокчи мамлакатлар эъларининг миллий стендларини намойиш этди. Ўзбекистон вакиллари байрамона миллий либосларда, сўзана, атлас ва адрас матолари, турли хунармандчилик буюмлари ва маданий дастурларини ййигилганлар эътиборига тақдим қилди. Шунингдек, Наврўз байрами арафасида ўтказиладиган ўзбек удумлари, ноёб баҳорий таом — сумалак тайёрлаш ҳақида тақдимот ўтказди. Ижро этилган лaпарлар ва турли ўзбек миллий рақслари барчага манзур бўлди.

Байрам иштирокчилари ўртасида ўтказилган Наврўз айёмига хос миллий ўйинларини эъларнинг юртимиз маданиятига бўлган қизиқишларини янада оширди.

Лондон Сити ҳокимиятида тарихда илк бор Наврўз байрами кенг нишонланди.

Унда Британия ҳукумати расмий вакиллари, парламент аъзолари, маҳаллий ва хорижий компаниялар, банк ва молиявий институтлари раҳбарияти ҳамда дипломатик корпус вакиллари қатнашди.

Тадбирнинг бадий қисмида Ўзбекистон ва Озарбайжон ижодий жамоалари иштирокида концерт дастури бўлиб ўтди. Ўзбекистон санъат усталари томонидан миллий чолғу асбобларида ижро этилган куй ва қўшиқлар меҳмонларга ҳушқайфият бағишлади. Шунингдек, тadbир доирасида Ўзбекистон ва Озарбайжон миллий хунармандчилик буюмлари кўргазмаси, аънавий санъат ва миллий таомлари намойиши ўтказилди.

Буюк Британиянинг Кембриж университетида ҳам Наврўзи олам байрамига бағишланган маданий тadbир ташкил этилди.

Байрам тadbири Ўзбекистон элчихонаси ташаббуси билан Марказий Осиё бўйича Кембриж форуми ва Британияда таҳсил олаётган талабалар билан биргаликда уюштирилди.

Тadbир давомида барча иштирокчи давлатлар ўз миллий стендларини тақдим этди. Ўзбекистон миллий стендида мамлакатимизнинг сайёҳлик салоҳиятига оид маълумотлар, миллий либослар, каштанилик ва бошқа халқ амалий санъати намуналари намойиш қилинди. Бундан ташқари, аънавий таомларимизнинг махсус тақдимоти ўтказилди.

Ўзбекистоннинг Латвиядаги элчихонаси томонидан Озарбайжон, Қозоғистон ва Туркия дипломатик ваколатхоналари билан биргаликда Рига шаҳрида Наврўз байрами муносабати билан маданий-маърифий тadbир ташкил этилди. Унда Латвия расмийлари, ижтимоий-сиёсий, илмий-академик, ишбилармон доиралари ва ўзбек маданий маркази вакиллари қатнашди.

Иштирокчи давлатлар ўз миллий стендларини тақдим қилди. Ўзбекистон миллий стендида мамлакатимизнинг сайёҳлик салоҳиятига оид маълумотлар, миллий либослар, каштанилик ва бошқа халқ амалий санъати намуналари намойиш этилди. “Халқлар дўстлиги” ансамбли ижросидаги миллий рақслар, куй ва қўшиқлар барчага байрамона кайфият улашди.

Польша пойтахти Варшавада ҳам туркий маданият муҳити ва Наврўз байрами шуқуҳи ҳукмрон. Хусусан, Варшава университетининг туркшunosлик факультетида академик доиралар вакиллари ва талабалар иштирокида байрам тadbири уюштирилди.

Унда Ўзбекистон, Озарбайжон, Қозоғистон ва Туркиянинг Польшадаги элчихоналари, Туркий халқлар маданияти ва мероси халқаро жамғармасы вакиллари, Варшава университети раҳбарияти иштирок этди.

Меҳмонлар ўзбек ошпазлик аънавалари, сомса, палов ва бошқа миллий таомлардан таътиб қўриш имкониятига эга бўлди. Қатнашчиларга Ўзбекистоннинг тарихий шаҳарлари — Самарқанд, Хива ва Бухоронинг туризм салоҳиятига оид материаллар тақдим қилинди.

Наврўзи олам муносабати билан Ўзбекистоннинг Россиядаги элчихонасида ўзбек диаспора ташкилотлари раҳбарлари иштирокида байрам тadbири бўлиб ўтди.

Унда Наврўз байрами аънавий қадриятлар — меҳр-оқибат, саховат, бунёдкорлик, бағрикенглик, дўстлик ва ҳамжиҳатликни ўзида муҳассам этгани алоҳида таъкидланди. Россия ҳудудларидаги ўзбек диаспораларининг халқимиз бой маданий-тарихий меросини оммалаштириш борасидаги фаолияти, шунингдек, Ўзбекистоннинг сайёҳлик салоҳиятини кенг тарғиб қилишга қаратилган саъй-ҳаракатлари юқори баҳоланди.

Учрашувда Россияда ўзбек халқининг маданий-тарихий меросини тарғиб этишга қўшган ҳисаси учун диаспора ташкилотлари раҳбарлари ва фаол ватандошларга ташаккурномалар топширилди.

Тadbир якунида байрам дастурхони ёзилиб, ўзбек миллий таомлари улашилди.

Эрон пойтахтидаги “Озоди” майдонида Наврўз байрами кенг нишонланди. Ушбу тadbирда Эрон маданият вазири Сейед Аббас Салехи Шариати, маданий мерос, туризм ва хунармандчилик вазири Мўхаммадреза Солеҳи Амири, ташқи ишлар вазири Сейед Аббос Ароғчи, вазирилк ва идораларнинг маъсуллари, Техронда аккредитациядан ўтган дипломатик корпус, хусусан, Ўзбекистон элчиси Фариддин Насриев иштирок этди.

Қувонарлиси, Техрон рамзи бўлган — “Озоди” минораси Ўзбекистон байроғи рангларига бурканди ва ўзбек тилида “Наврўз муборак бўлсин!” қутлов сўзлари намойиш қилинди.

«Дунё» АА.

КАМБАҒАЛЛИК «ДАФТАРИ» ЙЎҚ МАҲАЛЛА

Мамлакатимизда камбағалликни қисқартириш умуммиллий ҳаракатга айланди. Бу борада давлатимиз раҳбари ҳар бир фуқаронинг яшаш шароитини яхшилаш, таълим ва тиббий хизматлар қўлами ҳамда сифатини ошириш, инсон қадрини улуғлашга қаратилган бир қанча Фармон ва қарорлар қабул қилди, “Камбағалликдан фаровонлик сари” дастури асосида иш олиб борилмоқда.

Бугунги кунда бундай ислохотлардан халқимиз қай даражада хабардор? Айниқса, маҳаллаларда, чекка овул ва қишлоқларда бу ўзгариш ва янгиланишлар ўз аксини топаётими?

Самарқанд вилоятининг Самарқанд туманидаги “Қуйи Туркман” маҳалла фуқаролар ййигинида бўлганимизда бу саволларга жавоб тоғандай бўлди.

Кўз ўнгимиздаги ўзгаришлар

Маҳалла фуқаролар ййигини раиси Асатилло Ҳайдаровни сўраб-суриштириб фаоллар билан кўчалардан бирини ободонлаштириш ишларида қатнашганидан жойда учратдик.

— Фурсат топдик дегунча, “Яшил макон” умуммиллий лойиҳаси доирасидаги йомуларга ўз ҳиссамизни қўяймиз, — дейди Асатилло Ҳайдаров. — Бир парча ер бўлса ҳам, бўш қолмасин, деймиш. Ҳар куни хонадонма-хонадон юрамиз, томоркага нима екилган, тирикчилик қандай, шулардан ҳабар оламиз. Кўчат деса кўчат, қалачма ёки урулгич, барчасини тезда етказиб берамиш...

Мана, қаранг, хонадонларнинг бирортасида экин екилмаган томорқа йўқ. Баъзи миришкорларимиз томорқасидан бир йилда 2-3 маротаба ҳосил кўтарди. Шунга яраша турмушу фаровон, битта оила мавсумда томорқанинг ўзидан 50 — 60 миллион сўм даромад олаётир.

Сўхбатни маҳалла идорасида давом эттирдик. Янги, муҳташам маҳалла фуқаролар ййигини биноси эътиборимизни тортиди. Олдинги бино жуда эскириб, қўйиб қолгани сабабли шу маҳаллада яшайдиган тadbиркор Шерзод Маҳмудов ташландик жойда ўз ҳисобидан икки ой ичда замонавий маҳалла идорасини қўриб берган экан. Бу ерда “маҳалла еттиликни” учун ҳамма шароит борлиғига ғувоҳ бўлидик.

— Ўзингиз биносиз, аввало, камбағалликни тутатиш учун ҳар бир маҳаллада одамларга шароит яратиб бериш, инфратузилмани яхшилаш керак, — дейди маҳалла фуқаролар ййигини раиси. — Шунинг учун эндиликда камбағалликни қисқартириш борасида янгича ёндашувлар бўлади. Ижтимоий ҳимоя миллий агентлиги ҳожимликлар билан бирга бу йил ҳар бир маҳаллани тўлиқ хатловдан ўтказиб, “камбағал оилалар портрети”ни ишлаб чиқарди. Камбағал оила бўйича индивидуал дастур бўлади. Иқтисодий комплекс оилаларни камбағалликдан олиб чиқиш билан шуғулланади. Бунда масъулият фақат туман ҳокимлигидагина эмас, айни дамда маҳалла оксқолларининг ҳам зиммасида бўлади, деб тушунаман.



— Президентимизнинг “Қайси маҳаллада иш тўғри ташкил этилиб, фуқаролар билан яқин ҳамкорлик ўрнатилса, ўша ерда ҳамжиҳатлик, меҳр-оқибат муҳити ҳужм суради, нохуш ҳолатларга йўл қўйилмайди”, деган сўзларини ўзимга шиор қилиб олганман, — дейди Асатилло Ҳайдаров. — Ана шу “Маҳалла бюджети” тизимининг йўлга қўйилиши, маҳалланинг ижтимоий-иқтисодий муаммоларини ҳал этиш жамғармасининг очилиши шу ернинг ўзида кўп масалаларнинг ечимини топишга хизмат қилади. Илгари ҳузуримизга бирорта моддий қўмакка муҳтож одам келса, тўғриси, унинг кўнглидан чиқадиган ёрдамни беришга имконимиз етмасди. Эндиликда ушбу жамғармага жисмоний шахсларнинг мол-мулк ва ер солиғидан ундирилган маблағлардан тегишли қисми ўтказилади. Кам таъминланган оилаларни ижтимоий муҳофазалаш мақсадида маҳаллалар иктиёрига катта миқдорда маблағлар ажратилади.

Жамғарма маблағларини сарфлаш ваколати маҳалланинг ўзига берилди. Чунки айнан “маҳалла еттилиги” қаерда, қандай муаммолар борилини беш қўлдай билади, муаммоларни жойида ўрганиб, тегишли қарор қабул қилади.

“Сизни, умуман, маҳалладошларингизни қийнаб келаётган муаммолар ҳам борми?” раисни яна саволга тутамиз. — Муаммолар бирин-кетин ечим топмоқда, бироқ... Фуқаролар ййигини ҳудудида 900 га яқин ҳўжалиқлар бўлиб, 4 мингдан зиёд аҳоли яшайди. Маҳаллада боши бери кўчалар билан ҳисоблаганда 46 та кўча бор, шундан 18 таси катта кўча. Асфальт ётқизилганга 8 километрча масофадаги ички йўллар қолган.

Маҳалламиз ҳудудида 16 та трансформатор бор. Деярли ҳаммасини янгилади. Фақат симёғочлар эски, қулаб тушишдан хавотирдамиз. Улардан бир қисмини янгиларига алмаштирдик. Лекин қолганини ҳам алмаштирмасак бўлмайди. Бу ҳақда мутасадди идораларга мурожаат қилганмиз, шу масаланинг ҳал бўлишини кутаямиз.

Нуруллоҳ ОСТОНОВ
(«Халқ сўзи»).

Наврўз байрами муносабати билан Янги Наманган туманида жойлашган «Тараққиёт» кичик саноат зонасида тўққизта корхона ўз фаолиятини бошлади.



УЛУҒВОР ҚАДРИЯТЛАРНИНГ ХАЛҚОНА ТАНТАНАСИ

Каналнинг икки соҳили бўйлаб “қора уй” — ўтовлар тикилди. Бу қадимий урф-одатларнинг ўзида мужассам этган миллий байрамдир, — дейди “Меҳнат фахрийси” кўкрак нишон соҳиб, хўжайилик Таваккал Абдуқолиқов. — Ота-боболаримиздан бебаҳо мерос сифатида сақлаиб келинаётган ушбу байрам деҳқонлар учун ҳам янги йил боши, табиатнинг уйғониш фасли ҳисобланади. Жорий баҳорнинг дастлабки кунларида риз-рўзга қўсланадиган оппоқ қор ёғди. Кун кеча Амударё туманида илк чигит, барака уруғлари экилиши бошланди. Биз, нурунийлар деҳқонларимизнинг бир уруғи минг бўлсин, дея дуолар қилдик.

Андижон шаҳридаги “Боғи Бобур” маданият ва истироҳат боғи кўклар рангларидан жололанган ҳолда байрамона тус олди. Наврўз байрамига бағишланган бош тадбирнинг айнан шу масканда бўлиб ўтиши эса унинг фойдаси янада оширди. Қир-адирлик ёнбағрига ястанган боғдаги дошқозонларда сумалак қайнаган бўлса, тандирда кўксомсаю қозонларда қатламалар пиширилди. Мажнунтол новдасидан сочпоқ тақиб, атласи адрасларда товуқдек товланган қизларнинг юзидида табассумда, нурунийлар қафтидаги дуоларда юртимиздаги тинчлик-хотиржамликка шукроналикни пайқаш қийин эмас.

Мустанкилик йилларида Наврўз мамлакатимизда яшаётган миллати, тили ва динидан қатъи назар, барча ватандошларимиз оракичи кутадиган, том маънодаги умумхалқ байрамига айланди. Шу маънода, Наврўзи олам Бухоро вилоятида ҳам ўзгача завқу шавқ билан қутиб олинди. Байрам муносабати билан “Кўҳна ва боқий Бухоро” мажмуасида тантанали тадбир ўтказилди.

Наврўз нафақат баҳор байрами, балки дўстлик, дийдорлашув, миллатлараро тотувлик айтими сифатида ҳам қадри, — дейди Бухоро вилояти татар-бошқирд миллий маданий маркази фаоли Халида Сабитова. — Қўриб турганингиздек, айёми нишонлаш учун барча миллат ва элат вакиллари ҳам бўлди. Биз ҳам ўз бадийи дастуримиз билан иштирок этияптимиз. Меҳмонларга уратма, балиш, чак-чак, учкучмак каби миллий таомларимиздан улашяптимиз.

Жиззах шаҳрининг Ўрда боғи байрамона безатилиб, шаҳар аҳли ва меҳмонлар учун ҳақиқий тантана муҳити яратилди. Аслида ҳам халқимиз табиатга инжа муноса-

батда бўлган, уни аяган ва улуғлаган. Бу тушунчалар эса уларнинг қўшиқларига, достонларига, амалий ва ҳунармандчилик санъатига кўчиб ўтган. Халқимизнинг яшаш тарзи, янги оддийгина ўтовдан тортиб ёпишган нонда, каштачилик, гиламчилик санъатида бу тасаввурлар янада ёрқинроқ намоён бўлади. Шу маънода, сайилда халқимизнинг тарихи, маданияти, урф-одати ва анъаналарини акс эттирган айвонлар, йўлақлар бўйлаб устаю ҳунармандлар, каштадўзу чеварлар миллий либосларимизни, халқ қолғу асбобларини намойиш қилди. Кўргазмали чиқишлар, бадийи саҳна кўринишлари, куй-қўшиқлар байрамга фойз ва шуқуқ бағишлади.

Наманган вилоятининг байрамга тайёргарлиги ўзгача бўлди. Халқимизнинг эзгу орзу-интилишларини ўзида мужассам этган улғу айём Тинчлик хиббони ва “Афсоналар водийси” тематик паркида умумхалқ сайли сифатида ўзига хос тарзда нишонланди.

Наврўзга атаб йиғирма беш килограмм вазнда йирик ҳажмли патири ёпдик, — дейди новвой Исмомил Азизхўжаев. — Уч киши бирлашиб тандирга жойлаштирган гигант патирининг хаамири ўзига хос усулда қорилган бўлиб, таъми татиган кишининг оғзидида қолади.

Наврўз умумхалқ байрами **Навоий** вилоятининг барча ҳудудидида ҳам ўзгача сурур, кўтаринки кайфият билан нишонланмоқда. Хусусан, Навоий шаҳри марказидаги Алишер Навоий номидаги истироҳат боғида қорхона ва ташкилотлар, таълим муассасалари, маҳаллалар вакиллари иштирокида Наврўз байрамининг асосий тадбири кенг нишонланди. Кураш мусобақаси ўтказилиб, еттигача каттаю кичик саҳнада санъаткорларнинг байрам дастурлари йиғилганларни хушнуд қилди. Байрам дастурхони ёзилиб, элга сумалак ва бошқа баҳорий таомлар тортиқ этилди. Минг-минглаб халқ амалий санъати намуналари намойиш қилинди.

Самарқанд вилоятида байрам шодиёнаси Алишер Навоий номидаги марказий истироҳат боғи ва боғ атрофидаги кўчалар, Регистон майдони, Университет хиббони, Қорасув массиви ҳамда шаҳар марказидаги бошқа диққатга сазовор жойларда халқ сайли шаклида ўтказилди.

Бир томонда ўлану лапарлар янграсса, яна бир томонда миллий ўйинларимиз намойиш этилди, варрақлар сайли, расмлар кўргазмаси, спортчиларнинг чиқишлари иштирокчиларга олам-олам завқу шавқ бағишлади. Ўтказилган байрам тантаналари моҳиятида янгилаб бораётган Ўзбекистонда келажатган барча ҳаётбахш ислохот-

лар мазмуни ўз ифодасини топган аҳамиятлидир.

Сирдарё вилоятининг маркази — Гулистон шаҳрининг бир неча хиббон ва майдонларида катта саҳналар ташкил этилди. Алишер Навоий номидаги “Билимдонлар маскани”, Театр майдони, ёзги амфитеатр ва бошқа жойларда ўтаётган байрам сайли ҳамда томошалари барчага кўтаринки ва тантанавор кайфият бахш этмоқда.

Янгилавиш айёми бўлган Наврўзимиз вилоятимизнинг барча шаҳару қишлоқларида зўр шоду хуррамлик билан байрам қилинаётир, — дейди шоира, халқ депутатлари Сирдарё вилояти Кенгаши депутати Норинисо Қосимова. — Худудларда олиб борилган ободлик, кўкларзорлаштириш ишлари айём кўрмига кўрк қўшди. Вилоятда олиб борилаётган жадал



ва самарали улкан ўзгаришлар эса ушбу санага муносиб тўхфа бўлаётир.

Сурхондарё вилоятининг асосий байрам тадбири Термиз шаҳрида бўлиб, унда воҳанинг ҳар бир тумани ўзига ажратилган кўрғонларни, ўтовларни миллий қадриятларимизга хос безатиб, турли кўргазмалар ташкил этди.

Аёнки, воҳада Наврўз сайли кўпқарию курашсиз ўтмайди. Жарқўргон туманидаги Қўштепа маҳалласи адирикларидида ўтказилган улоқ-кўпқари беллашувларида 1-ўринни “Сурхон-1” жамоаси кўлга киритди. 2 ва 3-ўринлар Жарқўргон ва Олтинсой туманлари чавандозларига насиб этди. Фолиб ва совриндорлар туг, от, ҳўкиз сингари совринлар билан тақдирланди.

Элнинг олқиши йиғинларга фойз-барака киритади, — дейди бойсунлик чавандоз Бўрон Авазов.

Кўпқари эпчиллик, мардлик ва жасуриликка ўргатувчи спорт тури гина эмас, Ўзбек халқининг гурури ва орини кўрсатиб берувчи қучилар мусобақаси ҳамдир. Кўпқари ёшларни мардлик, жасурилик,

ватанпарварликка ундайди. Бу спорт ўйини ҳар қандай тўю томоша, сайилларни безайди.

Халқимиз Наврўз кунидида янги ҳаёт саҳифаларини кўради, эзгу интилишларини ижобатини ният қилади, эртаси бугундан ҳам тўқисроқ ва барқарор бўлиши учун янада ҳамжиҳат бўлиб яшашга, ишлашга интилади. Шу маънода, **Тошкент** вилояти маркази Нурафшон шаҳрида ўтказилган сайил ва концерт дастуридан Ўзбек, қозоқ, тожик, озарбайжон, корейс ва рус халқларининг боқий анъаналари ўрин олгани йиғилганларга манзур бўлди.

Наврўз фалсафасида ёши улғу инсонлар, табаррук отахон ва онахонларни эъзозлаш ўз аксини топган. Худди шундай, тантанали тадбир олдидан эл-юрт юмушида ҳармай хизмат қилиб келаётган Жўра

Унда вилоятнинг барча шаҳар ва туманлари, маҳаллалар, миллий маданият марказлари, фольклор-этнографик дасталари, ҳунармандлар, касб-ҳунар, иход мактаблари, спорт муассасалари миллий удум ва анъаналар, миллий либослар ва таомлар, ёшларнинг иход ва спортда кўлга киритаётган ютуқлари кўргазмаси билан иштирок этди.

Наврўз бободоҳқонларимизнинг ерга уруғ қадашидан бошланади. **Хоразм** вилоятида ҳам айни кунларда фидойи деҳқон ва фермерларимиз катта орзу-умид билан янги мавсумни бошламоқда. Зеро, ерга қадалган ҳар бир уруғ эртанги ризку насибамиздан дарак беради.

Хар йил кўклар келишини, Наврўзни интиқлик билан қутама, — дейди бир асрлик тарихнинг жонли гувоҳи бўлган табаррук ёшдаги хоразмлик Сора она Тожибоева. — Уйрим давомида сумалак тайёрлашга бугдўй топа олмаган ҳақатчилик даврларини ҳам, Наврўз диний байрам деб уни нишонлаш тақиқланган кунларни ҳам кўрдим. Шукр, у кунлар ордта қолди. Бугун халқимиз ўлмас қадриятимиз — Наврўзни кенг давраларда шоду хуррамлик билан байрам қилмоқда. Кеча маҳалламизда ҳам катта дошқозонларда сумалак тайёрлаб, кексаю ёш ўйин-қўлги қилдик. Ёшларга бугунги тинч ва фаровон турмушимизнинг қадрига етиш ҳақида сўзладим. Илоҳим, тинчлигимиз барқарор, ҳар бир кунимиз Наврўз бўлсин!

Бўйилги Наврўз инсон қадри ва кўҳна қадриятларимиз янада улуғланаётгани билан ҳам эсда қоларли бўлмоқда. Зотан, Наврўзи олам ана шу улуғвор қадриятларни ўзида мужассам этгани учун ҳам минг йиллардан бунён эъзозлаиб келинади.

Мамлакатимизнинг барча шаҳар ва қишлоқларида Наврўз сайиллари давом этмоқда.

«Халқ сўзи».

Таассурот

ЭЗГУЛИК ВА МЕҲР-ОҚИБАТ ТАРАННУМИ

Кўнгишларга олам-олам шодлик, яшариш ва яшаш, ҳаёт наҳидасини олиб келувчи баҳор айёми — Наврўз мамлакатимизда кўтаринки руҳда нишонланмоқда. Айём муносабати билан дунёнинг турли минтақаларидан кўплаб сайёҳлар юртимизга келган ва улар ҳам халқимиз билан бирга Наврўз таровати, завқу шавқидан баҳраманд бўлаётир. Қардош ўлкалардан келган меҳмонларнинг айримларидан таассуротларини ёзиб олдик.

Зобит НАБИЗОДА,
Озарбайжон Республикаси халқ артисти:

— Наврўз қалбларга илҳом шавқини олиб келади. У ташриф буюрган жойда гўзаллик, бахту саодат, умид пайдо бўлади, баҳорий кайфиятнинг энг авж нуктаси ҳам айнан ушбу кунда яралади.

Айёмнинг яна бир ўзига хос жиҳати шуки, у бутун туркий халқларни бир гоё, бир мақсад атрофида бирлаштирувчи қудратга эга. Кун кеча давлатингиз раҳбари иштирок этган Наврўз тантаналарини кузатиб, бунга яна бир бор амин бўлдик. Президент табриги байрам тароватини янада оширди. Дастурда Озарбайжон ва Ўзбекистон халқ артисти Гуляноғ Маммедова ҳам қатнашганидан кўксимиз фаҳрга тўлди. Зеро, Озарбайжон ва Ўзбекистон ўртасидаги дўстлик ҳамда ҳамкорлик шу каби маданий ришталар орқали янада мустаҳкамланмоқда.

Кеча кечки сайрга чиқиб, юртингиздаги байрам шуқуҳига аққол гувоҳ бўлдик. Ўзбекистон баҳори ва Наврўзининг жарчилари — оппоқ гуллаган ўриклар, куртак очаётган дарахтларни кўриб, баҳридиларимиз яйради. Кўча-кўйда одамлар гавжум, ҳамма хурсанд, кўзлар порлаган, юзларда табассум...

Озарбайжонда ҳам Наврўз катта шодиёна ўлароқ нишонланади. Бизда байрам беш кун давом этади ва шу кунлари мамлакатимизнинг турли ҳудудларида гулханлар ёқилади, турфа ширинликлар — шекербура, бадамбура, пахлава, гогол тайёрланади, патнисга ширинликлар терилиб, ясатилади. Албатта, байрам дастурхонида меҳмонларга юқоридаги ширинликлардан ташқари палов ҳам тортилади.

Ўзбекистон палови бутун дунёда машҳур. Байрам муносабати билан юртингизга келганимиздан хурсандимиз. Наврўзни қардошлар билан бирга нишонларканмиз, албатта, ўзбек ошхонасидан баҳраманд бўлдик.

Мине САРМИШ,
рассом ва шоир (Туркия):

— Мен баҳорни ижодкор фаслга менгазайман, чунки у бошқа фасллардан айри ҳолда ўзига хос яратилиш ва яшатиш руҳига бой мавсум. Хар қандай ижодкор ўз кўнгли майли, ундаги ҳис-туйғулардан таъсирланади, албатта. Агар баҳор ижодкор бўлса, демак, унинг кўнгли Наврўз, десак, тўғри бўлади.

Очиги, мен ўтган йиллар мобайнида Ўзбекистонга келишга кўп бор ҳаракат қилдим, аммо хар гал қандайдир сабаб билан сафарим амалга ошмади. Бунга қарангки, ташрифим айнан баҳорга, Наврўз байрамига насиб этган экан, бу менга икки қарра бахтиёрлик ва қувонч бағишлади.

Ўзбекистонда Наврўз ўзгача кайфиятда қутиб олинган экан. Унинг, айниқса, кўнгишлар ён-атрофга ободлик ва орасталик олиб кириши, барча одамларни шунга ундаши жуда ажойиб!

Қай мамлакатга борсам, унинг бозори билан танишини хуш кўраман. Кеча Тошкентдаги гавжум бозорга бордик, ҳамма жойда сумалаклар, кўк сомсалар сотиляпти, баззи сотувчилар меҳмонлигимни билиб тансиқ таомлар билан сийлади. Демак, Наврўз ўзининг ҳис этган бахтини бошқалар билан бўлишиш туйғусини ҳам қалбга солади. Бу нақадар гўзал туйғу!

Туркияда ушбу шодиёна кун ийғонганингда бахт, узок умр кўриш, соғлик, фаровонликини ифодаловчи бирор нарсига кўзинг тушса, улар, албатта, йил давомида сен билан бирга бўлади, деган қараш мавжуд. Шу боис ундирилган бугдўй, нон, қозғос пул ёки тангалар оила аъзоларининг бош тарафига қўйилади. Шунингдек, байрамнинг асосий рамзларидан яна бири — муқаддас гулхан ва ундан сакраб ўта олиш гуноҳлар ва омадсизликдан тозаланишни билдиради.

Демак, Наврўз турли мамлакатларда турлича нишонланса ҳам унинг асосида фақат бир нарсаси — эзгулик, тинчлик, тотувлиги бирдамликка интилиш ётади. Наврўзингиз муборак бўлсин, азизлар!

Раҳматжон БОБОЖОНОВ
(«Халқ сўзи») ёзиб олди.

Тошкент давлат аграр университети жамоаси Ўсимликшунослик ва мойли экинлар кафедраси профессори

Халима АТАБАЕВАНING

вафоти муносабати билан марҳуманинг оила аъзолари ва яқинларига чуқур таъзия изҳор этади.

Пойтахтимиздаги Халқаро шахмат академиясида Ўзбекистоннинг биринчи гроссмейстери Георгий Агзамов хотирасига бағишланган XVIII «Tashkent open» халқаро турнири ташкил этилди.

Халқ сўзи

Народное слово

МУАССИСЛАР:

Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 342. 15 120 нусхада босилди, ҳажми — 2 табоқ. Офсет усулида босилган. Қозғос бичими А—2. Баҳоси келишилган нарҳда.

Газетани ҳақиқатда маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-259-74-51; қопилбаст 71-259-74-53;
эълонлар 71-259-74-45.



Таҳриратга келган қўлашмалар тақрир қилинмайди ва муаллифга қайтарилмайди.

Газетанинг сўзлаб берилиши учун обунани расмийлаштирган ташкилот жаовбар.
Газета таҳрират компьютер марказида терилди ҳамда оператор А. Исмаилов томонидан саҳифаланди.

Газетанинг полиграфик жиҳатдан сифати чоп этилишига «Шарқ» нашриёт-матбаа акциядорлик компанияси масул. Босмахона телефони: 71-233-11-07.

• МАНЗИЛИМИЗ:

100066,

Тошкент шаҳри,

Ислом Каримов кўчаси, 55-уй.

Набатчи муҳаррир — Ф. Бозоров.

Мусахҳис — С. Исломов.

«Шарқ» нашриёт-матбаа акциядорлик компанияси босмахонаси. Корхона манзили:

Буюк Турон кўчаси, 41. ЎЗА якуни — 21.40 Топширилди — 23.50 1 2 3 4 5 6